

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 10/1-05-\_\_\_\_\_/19  
Bihać, 07.02.2019.godine

Na osnovu člana 52. Statuta Grada Bihaća („Službeni glasnik Grada Bihaća“ broj 13/15) i člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik u svojstvu predlagača propisa i drugih akata

**O D R E Đ U J E**

Izvjestioca Sakiba Alijagića, dipl. pravnik, šef Odsjeka za poduzetništvo i podršku investitorima u Službi za lokalno ekonomski razvoj, na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o davanju saglasnosti na prenos Ugovora o koncesiji za istraživanje i eksploataciju dolomita na ležištu „Podići-Međudražje“ sa privrednog društva „HORIZONT“ d.o.o. Bihać na privredno društvo „HC-ING “ d.o.o. Bihać.

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 10/1-05-\_\_\_\_\_/19  
Bihać, 07.02.2019. godine

**GRADSKO VIJEĆE BIHAĆ**  
-ovdje-

Na osnovu člana 52. Statuta Grada Bihaća („Službeni glasnik Grada Bihaća“ broj 13/15) i člana 140. Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik Gradskom vijeću Bihać dostavlja na razmatranje radi donošenja

**O D L U K U**

o davanju saglasnosti na prenos Ugovora o koncesiji za istraživanje i eksploataciju dolomita na ležištu „Podići-Međudražje“ sa privrednog društva „HORIZONT“ d.o.o. Bihać na privredno društvo „HC-ING“ d.o.o. Bihać

(prijedlog)

**I PRAVNI OSNOV**

Pravni osnov za donošenje Odluke o davanju saglasnosti na prenos Ugovora o koncesiji za istraživanje i eksploataciju dolomita na ležištu „Podići-Međudražje“ sa privrednog društva „HORIZONT“ d.o.o. Bihać na privredno društvo „HC-ING“ d.o.o. Bihać sadržan je u odredbama člana 5. stav 3. Zakona o koncesijama („Službeni glasnik Unsko-sanskog kantona“ broj 10/03, 7/09, 19/13 i 9/17) kojim je propisano da: „u slučajevima kada Vlada Kantona odlučuje o dodjeli koncesije za određeno dobro na osnovu člana 3. ovog Zakona, odluku iz stava 1. ovog člana donosi Vlada Kantona na prijedlog resornog ministra i uz prethodnu saglasnost općinskog vijeća na čijem se području nalazi koncesiono dobro ili općinskih vijeća ukoliko se koncesiono dobro nalazi na području više općina“.

Pravni osnov sadržan je i u odredbama člana 28. stav 3. navedenog Zakona, kojim je propisano da: „Ugovor o koncesiji ne može se prenijeti na drugog koncesionara bez prethodne saglasnosti komisije, općinskog vijeća općine na čijem području se nalazi koncesiono dobro i Vlade Kantona“.

Također, članom 35. tačka gg) Statuta Grada Bihaća („Službeni glasnik Grada Bihaća“ broj 13/15) propisano je da: „Gradsko vijeće u okviru samoupravnog djelokruga daje saglasnost na koncesije na način propisan zakonom“.

## II RAZLOZI ZA DONOŠENJE

Aktom broj: 06-18-13750-2/18 od 24.12.2018. godine Ministarstvo privrede USK-a dostavilo je dana 25.12.2018.godine Gradskom vijeću Bihać zahtjev za saglasnost Gradskog vijeća na prenos Ugovora o koncesiji. U zahtjevu ističu da se privredno društvo „HC-ING“ d.o.o. Bihać obratilo ministarstvu sa zahtjevom broj: 04-12-446/18 od 19.12.2018.godine kojim traže prenos Ugovora o koncesiji broj: KU 034/2011 za istraživanje i eksploataciju dolomita na ležištu „Podići-Međudražje“ sa privrednog društva „HORIZONT“ d.o.o. Bihać na privredno društvo „HC-ING“ d.o.o. Bihać, što je u skladu sa članom 28. stav 3. Zakona o koncesijama („Službeni glasnik Unsko-sanskog kantona“ broj 10/03, 7/09,19/13 i 9/17). Na ležištu dolomita „Podići-Međudražje“ kod Bihaća izdata su potrebna odobrenja taksativno pobrojana u tačkama 1-9 iz akta Ministarstva privrede USK-a od 24.12.2018. godine.

Nadalje, Ministarstvo privrede USK-a navodi da je privrednom društvu „HORIZONT“ d.o.o. Bihać po utvrđenoj zakonskoj proceduri, na osnovu stečenih istražnih i eksploatacionih prava putem samoinicijativne ponude dodijeljena koncesija, nakon čega je dana 22.11.2011. godine potpisan Ugovor o koncesiji broj: KU 034/2011 za istraživanje i eksploataciju dolomita na ležištu „Podići-Međudražje“ Grad Bihać.

Dana 31.10.2018.godine potpisan je Ugovor o kupoprodaji prava i obaveza između privrednog društva „HORIZONT“ d.o.o. Bihać i privrednog društva „HC-ING“ d.o.o. Bihać, i isti je ovjeren kod Notara pod brojem OPU-OV: 2968/2018 od 18.12.2018.godine. Predmet Ugovora je ustupanje rezultata geoloških istraživanja, prenos prava eksploatacije i prenos Ugovora o koncesiji na ležištu dolomita „Podići-Međudražje“ kod Bihaća od strane prodavca a kupac ista prava preuzima, što je u skladu sa članom 38. Zakona o geološkim istraživanjima („Službeni glasnik Unsko-sanskog kantona“ broj 19/11), članom 10. stav 2. Zakona o rudarstvu („Službeni glasnik Unsko-sanskog kantona“ broj 19/11) i članom 28. stav 3. Zakona o koncesijama („Službeni glasnik Unsko-sanskog kantona“ broj 10/03, 7/09, 19/13 i 9/17).

Nakon potpisivanja Ugovora o kupoprodaji prava i obaveza, privredno društvo „HC-ING“ d.o.o. Bihać obratilo se Ministarstvu privrede USK-a sa zahtjevom za prenos rezultata geoloških istraživanja, prenos odobrenja za eksploataciju i prenos Ugovora o koncesiji. Nakon što se potpiše Ugovor o prenosu Ugovora o koncesiji“, Ministarstvo privrede donijeće rješenja o prenosu rezultata geoloških istraživanja i prenosu odobrenja za eksploataciju sa privrednog društva „HORIZONT“ d.o.o. Bihać na privredno društvo „HC-ING“ d.o.o. Bihać.

Na kraju, Ministarstvo navodi da je za donošenje Odluke za prenos Ugovora o koncesiji neophodno pribaviti saglasnost Gradskog vijeća i Komisije za koncesije USK-a, nakon čega Vlada Unsko-sanskog kantona donosi Odluku o prenosu Ugovora, što je u skladu sa članom 28. stav 3. Zakona o koncesijama. Treba napomenuti da, shodno odredbama člana 28. stav 4. navedenog Zakona novi koncesionar preuzima prava i obaveze prethodnog koncesionara.

Konačno, davanjem saglasnosti, odnosno zaključenjem Ugovora o koncesiji ostvarili bi se pozitivni finansijski efekti za Grad Bihać, koji bi se prema raspoloživim podacima ogledali u plaćanju obaveza novog koncesionara po osnovu obračunatih naknada za

dodjeljenu koncesiju za eksploataciju mineralnih sirovina, koje su definisane u Dokumentu o politici dodjele koncesija („Službeni glasnik Unsko-sanskog kantona“ broj 3/12, 14/12, 14/13, 10/15 i 12/15) i to po slijedećim osnovama:

- jednokratna naknada pri dodjeli koncesije, za odobreno eksploataciono polje u iznosu 0,20 KM/m<sup>2</sup> veličine eksploatacionog polja;
- naknada za korištenje zemljišta u državnoj svojini 0,10 KM/m<sup>2</sup> od 5 ha godišnje;
- naknada za iskopanu količinu mineralne sirovine po m<sup>3</sup> iskopane mase.

Naknada za količine iskopane mineralne sirovine plaća se u zavisnosti od vrste mineralne sirovine i ona iznosi za dolomit („Podići-Međudražje“) 0,60 KM/m<sup>3</sup>. Ugovorom o koncesiji se utvrđuje kvartalno plaćanje obaveza a konačna naknada se obračunava na kraju kalendarske godine, nakon što se izvrši geodetsko snimanje i uradi Elaborat o iskopanim količinama mineralne sirovine, urađen od strane neovisne ovlaštene firme za geodetska mjerenja. Raspodjela sredstava prikupljenih po osnovu naknada za korištenje koncesija definisana je u članu 29. Zakona o koncesijama i raspoređuje se 60 % u korist općina i 40 % u korist Kantona.

#### PRIJEDLOG

S obzirom na naprijed izloženo, predlažem Gradskom vijeću da usvoji prijedlog Odluke o davanju saglasnosti na prenos Ugovora o koncesiji za istraživanje i eksploataciju dolomita na ležištu „Podići-Međudražje“, sa privrednog društva „HORIZONT“ d.o.o. Bihać na privredno društvo „HC-ING“ d.o.o. Bihać u predloženom tekstu.

Prilog:

1. Odluka
2. Akt Službe za stručne poslove Gradskog vijeća od 14.01.2019.godine
3. Akt Ministarstva privrede USK-a od 24.12.2018. godine
4. Ugovor o kupoprodaji prava i obaveza od 31.10.2018. godine
5. Ugovor o koncesiji broj: KU 034/2011 od 22.11.2011. godine
6. Odluka Vlade Unsko-sanskog kantona od 10.11.2011.godine
7. Mišljenje Kantonalnog pravobranilaštva od 17.10.2011.godine
8. Rješenje Komisije za koncesije Bihać od 12.10.2011. godine
9. Odluka OV-a Bihać o davanju saglasnosti na samoinicijativnu ponudu za dodjelu koncesije „HORIZONT“ d.o.o. Bihać od 12.07.2011.godine
10. Rješenje Federalnog ministarstva energije, rudarstva i industrije od 21.11.2008.godine (odobrenje za eksploataciju)
11. Rješenje Ministarstva privrede USK-a od 13.10.2011.godine (odobrenje za smanjenje odobrenog eksploatacionog polja).

Gradonačelnik  
Šuhret Fazlić

Na osnovu člana 5. stav 3. a u vezi sa članom 28. stav 3. Zakona o koncesijama („Službeni glasnik Unsko-sanskog kantona“ broj 10/03, 7/09, 19/13 i 9/17) i člana 35. tačka gg) Statuta Grada Bihaća („Službeni glasnik Grada Bihaća“ broj 13/15), Gradsko vijeće Bihać na \_\_\_ sjednici održanoj dana \_\_\_\_\_2019. godine, donosi

## O D L U K U

o davanju saglasnosti na prenos Ugovora o koncesiji za istraživanje i eksploataciju dolomita na ležištu „Podići-Međudražje“ sa privrednog društva „HORIZONT“ d.o.o. Bihać na privredno društvo „HC-ING“ d.o.o. Bihać

### I

Daje se saglasnost Vladi Unsko-sanskog kantona, Ministarstvu privrede za prenos Ugovora o koncesiji broj: KU 034/2011 od 22.11.2011. godine za istraživanje i eksploataciju dolomita na ležištu „Podići-Međudražje“ Grad Bihać, sa privrednog društva „HORIZONT“ d.o.o. Bihać na privredno društvo „HC-ING“ d.o.o. Bihać.

### II

Saglasnost iz tačke I ove Odluke daje se pod uvjetom da Ministarstvo privrede kao koncesor, novim ugovorom reguliše da sve ranije a neizmirene obaveze prethodnog koncesionara, po pitanju plaćanja naknada za iskopanu mineralnu sirovinu, preuzima novi koncesionar u skladu sa Zakonom o koncesijama.

### III

Ova Odluka stupa na snagu osmog dana od dana objavljivanja u Službenom glasniku Grada Bihaća.

Gradsko vijeće

Broj: \_\_\_\_\_/19

Bihać, \_\_\_\_\_ godine

Predsjedavajući Gradskog vijeća

Davor Župa